







門 几 5
號 3185
卷 1

異域瑣談目錄

殊方風土卷一

軍台道
里表附

西陲軍事卷二

新疆列傳卷三

外藩列傳卷四



昭和十五年
三月廿五日
購求

異域瑣談卷一

春園氏著

殊方風土



京師望北辰偏直北西域望辰轉少北而
偏西一日則見月如線而鉤地高恒星布
列光燦爛如垂
春夏多風但不可揚石拔木耳桃杏李梨
蘋婆楊柳諸樹率驗以風風則開花鮮艷
結實茂密每風一次枝葉繁盛一次漸次

濃陰鋪地矣風後綠霧淨澂如久雨新霽
切不可雨雨固不多有倘花蕊正放時點
雨着瓣上花即焦枯雨微成陣則類油烹
一歲之碩果無存矣

凡穀皆可種植回民以小麥為細糧粳棉
次之大麥糜子用以燒酒及充牲畜棧豆
而已餘如豆粟芝蔴蔬瓜之類無不可以
成熟回民不知食用亦不多種荒草湖灘

每於春融冰解時引水入地微乾則耕犁
布種苗生數寸又放灌溉嘉禾與蔓草並
生不知耘鋤且云草生茂盛禾苗得以乘
涼其可笑如此忌春寒雪水未遲則播穀
失時自初種以迄刈穫皆資山泉水潤以
秀以實尤不宜雨雨少不過減收雨多則
地起城鹵而一歲之告登無望矣
地肥暖秋麥多農功既畢放水入地謂之

澆冬水來春水潤可早佈種而回民之種
甜瓜與稼穡等或圓或長赤白黃綠色不
一而種亦各別無不甜如蜜漬一種皮硬
綠班八九月熟回民謂之冬瓜可藏至次
年二月尤佳夏秋之際有入回村者無不
以瓜為敬也

回民過年之前一月則把齋起凡男女十
歲以上皆於黎明後不得飲食甚者津液
亦不敢下咽日落星稀方始恣意飲咏但
不得飲酒近婦人耳日夜禮拜男女皆以
淨水遍身澆洗而後行禮毛喇阿洪之屬
禁忌尤為虔謹至次月初一或初二總以
望見新月如鉤則開齋過年矣回語謂之
入則開齋之日經夜鼓吹辰刻則阿齊木
伯克鮮衣華服金絲黃阿混帽駝馬皆蒙
以錦鞍各五七對旗幟鼓樂海蘭達爾歌

舞紛紜前導伯克阿洪等皆白圓帽圍隨
左右其阿齊木之心腹人等控絃捺梨被
甲抽刀以資護衛一同入禮拜寺諷經通
城男女皆新衣喧填巷市羣瞻阿奇木威
儀諷經禮拜畢均隨往阿奇木宅賀年阿
奇木勞以牛羊駝馬等肉葡萄桑糜等酒
唱舞鬪飲為樂而散回語謂之入則愛伊
諦未歸王化以前是日之阿奇木伯克入
寺禮拜畢即有阿洪等議其賢否以為賢
則留之以為某事無道某某事尤無道則
與回衆廢而殺之以故阿奇木從者皆捺
兵往今雖不敢出此而兵仗仍沿其舊是
日回衆之答拜聚飲亦猶中國之元旦也
入則愛伊諦後數十日其阿奇木伯克又
復儀仗入寺通城男婦鮮衣填巷奔波喧
笑與入則愛伊諦之日同謂之因魯班愛

伊諦又數十日回民赴伊家奉人墳墓諷
經多於項頸咽喉門以刀透穿其皮用布
縷穿之血流遍體云以其身祭神人也為
烏東爾又數十日回民老少男女鮮衣裝
飾帽上各戴紙花一朶於城外極高之處
婦女登眺回男馳馬較射鼓樂歌舞飲酒
酣跳竟日而散謂之努魯斯把齋之半月
前各家買油之葫芦於屋頂懸之高竿之
上自其阿奇木伯克家於一更以後次第
燒燃邀請阿洪或聚羣童號叫諷經閤家
向之奔波喧呼徹夜如狂謂之法喇特
回字如鳥跡如蚪斗橫讀而連斷處尤不
易辨識字頭念久通曉者遂無疑字回童
能書記為之毛喇通其經史而為回衆所
服者謂之阿洪阿洪亦有大小之區別回
民有疑難皆問阿洪即女嫁男婚亦所主

持雖聽阿洪之言而死亦不怨悔也尤可
笑者鄉愚回民忘其生長問於阿洪告以
一月日明歲復忘另問阿洪又告一月日
是一回民而每歲數生辰矣

回人文字有醫藥之書有占卜之書有堪
輿之書有前代記載之書各國山川風物
之書其說以天高覆之地厚載之日月明
以照之皆當禮拜戒貪淫殘詐尚敬謹敦

實正人之氣不散死而神靈講性命清淨
之理大旨宗諸釋氏而得其糟粕亦非全
無道理但其地之阿洪人等曉然通暢者
不少如內地之腐爛冬烘蠱惑愚人騙取
財物者亦有

骨岔雕之黑而大者也高二三尺不等健
翅而多力回地深山處處有之惟巴達克
山益西黑雕尤大而猛鷲飛則兩翅垂雲

宿山嶺高如駝象所過之處人皆避屋宇
中徃徃擢牛馬而去翅翎墮地者長輒八
九尺有奇鷲鳥也

夏草冬虫生雪山上夏則葉枝出類莖根
如朽木凌冬葉乾則根能蠕動如虫矣其
性燥熱

雪蓮花雪蛆雪蟾皆生雪山深雪中雪蓮
尤多而易得喀什噶爾雪鷄羣飛極肥而

性燥熱不可多食

岔口小鳥也毛尾全似鶉短足而嘴喙爪
皆紅如茜染生水山中百十為羣卵遺水
上冬月極寒則卵自綻裂而有鳥飛焉
穆肅爾打坂譯言水山也地在伊犁烏什
之中為南北兩路緊要必由之孔道其北
為克噶察哈爾海台其南為他木哈他什
台兩台相距一百里或曰一百二十里其

間即冰山也。由克噶察哈爾海南行，即
雪海。一望無際，冬雪極深，夏以冰雪泥濘。
人畜皆於山坡側嶺羊腸曲路而過。失足
落雪海中，則杳然沉墜，不可復見。凡二十
里過此，即水山。無草木，無土沙，橫側平陂，
無在非冰。冰之薄厚，初不知其幾何。尋丈
層峰疊嶂，千百仞攢空，峗峗如嵩華者，皆
冰也。過冰有裂隙處，下視正黑，不見其底。
水流之聲，澎湃如雷鳴。人皆聚駝馬骨布
橫其上而過。坡處亦間有水，磴陟降攀援，
滑聿萬狀。跬步不謹，輒落水澗中。時聞冰
裂其聲，礧然山谷相應。經其地者，人畜魚
貫而行，莫不戰慄惴恐，與死為隣。冰上皆
石子，大者如屋，小者如拳，如粟不一而足。
往往有數丈大石，惟徑尺水柱支撐而立。
人必於其下往來，設中途日暮暗，不能行。

必擇穩厚大石伏於其上夜靜聞如鐘鼓
鉦鏡之聲絲竹管絃之奏通宵聒耳則遠
近冰裂之繁響且其冰之長落無常時或
突起也則高高五百丈時或陷沉也則下
下五百丈道路亦無一定之所有神獸一
非狼非狐每晨視其跡之所往踐而循之
必無差謬有神鷹一其色青白大如雕或
有迷失山徑者輒聞鷹鳴尋聲而往亦可
跟尋大路益西山峰矗起挿雲如筍林生
望之深青其水色黑其上不可登矣八十
里至他木哈他什台河流浩瀚即冰山下
湧出之水也東南長趨五千餘里支分派
別盡歸賀卜諾爾賀卜諾爾者黃河原也
蒙古名賀卜諾爾回回名素我樂木漢人
名星宿海也自他木哈他什台南行四站
皆郭壁絕無水草近台八九十里大石璘

响犬牙交錯遍滿路衢牲畜皆於石隙競
置蹄而步每歲烏什叅贊大臣遣官祭冰
山一次祭文由部頒云
虬蚁蟲吟容以西南北路處處有之形類
土蜘蛛色褐而圓八爪微短紫口四噬噬
鉄有聲遍身黃綠為章皮裏通明如繭蚕
生潮地溝渠左近及人家多年土壁上或
大如鷄子或大如核桃每大風則出穴逐
風而行入人屋宇行急如電怒則八爪聳
立逐人尋常於人身上往來切不可動聽
其自去亦竟無事偶動觸之輒噬人最為
毒惡痛徹心髓湏臾不救通身潰爛而死
噬人輕即取其虫碎之尚無大害若噬人
時吐白絲於瘡口或噬人後即向水中呼
吸其人皆不可復生相傳茜草擣汁服並
爛嚼敷之良可以及施治療究之中其毒

而免者百無一二

豺狼生回地深山中高尺餘長亦不滿三尺形全似狼數百數十為羣山中行走行列整肅如人之圖獵凡遇野牲則羣起而噬之無得脫者人或於山石幽隱施鎗擊斃一二彼皆咬拉零散羣啣而去不使人得骸骨焉山有此狼虎豹遠徙狼獸也

回地各城均於城東架木為樓每於申酉初樓中吹鼓送日西入毛喇阿洪人等西向禮拜諷經謂之納馬茲其納馬茲均於日未出日將入及五鼓已未等時日凡五次率以為常遇有吉凶軍旅迎送大僚亦於樓上鼓吹曉諭遠鄉回衆之號令也夏初桑椹熟回民取以釀酒家各數石男女於城外樹陰草地及菓木園中聚飲通宵徹夜酣唱跳舞所遇皆醉回子矣桃熟

亦可釀酒味微酸秋深葡萄酒熟極佳饒
有風味餘時惟糜谷大麥燒酒而已其釀
法納果於甕覆蓋數日爛發後取以燒酒
一切無需於麩藥均謂之阿拉克磨糜為
酒渾如米泔微酸無酒之氣味亦不能醉
人謂之巴克遜回人酷喜飲之性熱能愈
陰寒泄瀉之病奇愈

回地大頭目謂之阿奇木伯克最尊生殺
予奪惟其所為次則伊什罕伯克亦有總
統之責至於噶雜納齊伯克商伯海子伯
克以及密拉普伯克明伯克都管伯克密
土瓦里伯克等名目不一或司刑錢或司
水利或司戶口差徭各有職事回民亦皆
敬禮如中國之敬官凡伯克皆有小回為
其家服役種田如奴僕然自百戶至二三
戶不等謂之烟齊今其大城阿奇木伯克

王爵貝勒貝子公小城阿奇木伯克三品
四五品不等亦掌生殺有會叅贊大臣及
各城辦事大臣定議者村落謂之愛曼每
愛曼各有王子伯什一名管理丁糧差務
又有扣克巴什一名管理耕種分水一切
溝渠諸務

伯克之妻回民稱之曰阿葛挿即有取三
四妻者皆同此稱謂之大小嫡庶之別

回民喜畜雕少饒裕者皆有雕一二架或
至二三十架不等雕捷而驚秋深翅勁狐
狼黃羊之屬遇之無得脫者弓矢非所長
也以大頭短捧拋擲擊兔一發而斃之亦
回民絕技也

回民嫁娶兩家意合男女餽送牛羊布疋
邀請親戚人等更求阿洪數人一同前赴
女家議婚念經為訂或數日或月餘至婚

期女家或父兄一人抱新婦同騎馬上以帕蒙新人面上前用鼓吹導引送往夫家凡回女皆垂髮辮十餘嫁後一月或數十日回婦梳髮後垂以紅絲為絡寬六七寸長三四尺餘其雙歧拖地處作雙結仍用紅絲數寸成穗饒裕者上綴細珠寶石珊瑚等物囊髮後垂謂之恪齊把克其小戶及有孝服者或用藍或用綠

沙枣類枣色金黃肉似細沙而味甘回民取以釀酒胡桐回語譯言柴也其樹遍滿沙灘或數十里成林而橫邪曲側不任棟樑間有端植者木理亦不能堅實故回民呼之為胡桐言僅可取作燒柴而已夏日炎蒸其津自樹杪滴垂色晶黃如琥珀者為胡桐淚自樹身流出而色白如粉者為胡桐糠也均不堪入藥

即各城回民禁忌猪肉不食凡牛羊牲畜
自斃非回子宰殺去血淨者皆不食男女
室後皆以清水澆洗遍身講滴水為淨其
理甚通人死則海蘭達爾教人在屋宇上
喊叫念經其家皆白布為冠謂之掛孝死
之日或次日即昇之郊外掩埋無棺槨衣
衾白布纏屍而已其親戚人等往吊念經
各以所有盡力資助掩埋之時請阿洪人

等念經凡伊親戚所資助及死者衣服皆
敬之於衆以求冥福謂冥福之厚薄視所
敬之多寡也子為父母妻為夫及兄弟親
戚皆掛孝四十日而除
劄答堅似石青黃赤白黑綠色不一大小
亦參差不等生牛馬腹中而生蝎蜥尾根
及野豬頭腹中者尤良回民祈雨則以柳
條繫之置淨水中祈風則囊之懸馬尾上

祈陰則囊置腰索各皆送其所祈之經咒
無不嚮應回民及土爾扈特額魯特人等
多於暑天長行用以解烈日之酷謂之下
剗答喇嘛下之尤捷其剗答紅色者置水
盃中水盡赤取剗答出則亦然清水耳他
色皆然
丕雅斯類小根菜而頭大如鷄子葉似蔥
氣臭味辛回民酷喜食之

恰馬骨爾蔓荊也蘿蔔亦謂之恰馬骨爾
一種胡蘿蔔不分心皮肉皆淡黃微有萬
腥則回地所產蝦蟆鳴其聲長而不斷鳴
則頷下連腹泡起如河豚狀回地多蛇蝎
大麥熟黃時蝎蜚人手指毒尤酷烈徃徃
不救得中國之太乙紫金錠敷之奇愈
人家菓木園中或城村左右回民輒修理
平地一段或方三四丈八九丈不等四圍

挑渠引水滿注其中渠內外密植綠柳白楊以為暑月休憩聚飲之所謂伯斯塘郭壁大站之水泉最為行旅牲畜之累回疆大頭目人等多於適中之地起蓋屋舍設立回民三二戶或四五戶給以養膳之資使之設法開渠引水以利濟行人謂之噶噶爾內地商民貿遷其地者訛呼為欄干兒多念其德

聚土為坯壘牆厚三四尺以白楊胡桐之木橫布其上施葦敷泥遂成屋宇其屋高廠或樓者牆厚皆七八尺有奇穴牆為竈直達屋頂寬尺餘高二三尺與地平置木火其中以禦冬寒謂之務恰克穴墻腰為洞寬長不一安放物件謂之務油克於屋頂開天牕一二處以透陽光謂之通溜克屋頂皆平居人可於其上晒曝糧菜之用

其屋皆墻厚頂輕故不懼地震動搖少雨而乾燥故無傾歌滲漏之患富者多於屋內以泥雕空像形作花卉字畫黝以灰粉細如指如箸而堅如木頗亦精巧抑或施彩碧於頂隔或設牕櫺於屋壁以為華美屋旁多有園地一區廣置菓木花草開伯斯塘以避暑回民以樓高為貴有三四上者凡伯克及殷實回戶必以有樓為大宅也樓亦多有倣蒙古包形者莫非以墻為骨木草土泥以遮蔽之一切無需於棟樑地基少寬必修禮拜寺以為朝夕納馬茲之需少有力者即其墳地上亦必修納馬茲之所言鬼亦納馬茲也回男不蓄髮辮不剃鬕髻惟剪唇鬚便於飲食生子五六歲其父兄邀請阿洪念經以刀割去勢皮以便淨洗

衣皆圓領窄袖男左衽女廠前襟內襯衫
襖及膝女帽冬夏皆用皮而挿禽翅於前
以為裝飾男帽冬用皮夏用緞綾猩羶為
頂翅皆青倭緞為之頂圓高五六寸前後
尖翅亦各長五六寸男帽翅平女帽後翅
少垂頂上皆起金銀線為花以為華美阿
洪帽圓簷白布為之中填棉絮高厚各五
六寸牛羊之革為靴木根二寸藍西木根
竟高五寸有奇

海蘭達爾有似中國之香火道人而畜
妻育子與回人同垂辮二衣補綴破納紅
藍相間雜帽高頂無翅每逢八柵爾之期
或回回節叙伊等輒聚教人擊鼓跳舞歌
唱或在八柵爾上或入回回村落募化錢
米衣物回回等無不樂施給人死則海蘭
達爾前往於亡者屋上念經譯其詞曰有

生則必有死今此人先死凡尚未死者皆當來哭泣弔唁止此教語反覆竟日叫號其居常之納馬茲則以夜半所誦之詞語不與回民同而歌舞之音響節奏亦不與回民同日之市謂之八柵爾每七日一次服食所需均於八柵爾交易各鄉男婦多入城禮拜所用銅錢謂之普爾徑五分厚一分無孔無文如桃形近來亦改鑄乾隆通寶普爾每文一用抵銀一分現行濟用回回見人無跪拜之禮凡遇其尊長及頭目人等交手當胸而頓其手謂之阿斯拉木唯納馬茲則向天日神人跪拜回回墳多如棺木之形富厚者或圓形或開洞穴或綠琉璃為飾多在大路兩旁謂往來人多為之念經祈冥福也無量衡糧穀少者以回帽量多者以他噶

爾計美他噶爾之大者謂之帕他嗎皆布
袋也人稱其兩端置物均勻則兌換謂之
輒勒克回回宴客總以多殺牲畜為敬牛
馬駝均為上饌羊或至數十百隻各色瓜
菓塔兒糖水油香以及炙糞各肉大餅小
饜餛飩蒸飯之屬貯以銀銅錫玉木等盤
紛紜前列聽便取食回樂各器男女雜奏
歌唱回曲酒酣回女逐對起舞羣回手拍
呼叫以應其節總以極醉為度有連宵達
旦醉而醒醒而復醉者所陳什物客給散
於人或筵罷携之而去以為盡歡
回樂以鼓為主鼓大小數面蒂茄木管皆
八孔洋琴五十餘弦琥珀七弦鉄弦四皮
弦二絲弦一胡琴大小數張聲音之抑揚
高下隨鼓起落而歌舞之節奏盤旋亦以
鼓為則嘈雜淆亂之中按之亦有宮商之

義大抵皆秦聲之換調也回地松仁出外
藩各國皆自葉爾羌喀什噶爾皮似柰肉
碧綠甜而微腥無松仁氣味也

無正朔以望見新月為月初三十日為一
月無小建十二月為一年無閏月然算其
一歲之終皆三百六十四日其定皆以八
柵爾計筭每七日八柵爾一次每八柵爾
五十二次為一年以故三百六十四日也

其紀歲月日時皆有地支而無天干人有
疾病饒裕者多殺牛羊分散海蘭達爾及
貧苦之人以祈福力亦求阿洪用藥多用
大黃附子之屬徃徃殺人小兒亦出痘瘡
輕而易過百中不損數人從無滿面大麻
之人且出痘人多即避於深山極寒之地
亦可以免

地牢者掘地為池方深二丈餘以木草泥

土厚覆之開一竇於上回人有罪則置其中日給飲食汎糞如漿不堪卧立至於逃亡多事者則用大木一段鑿孔納腿於其中四圍釘固不能屈伸動履小罪則鞭之立而撻其背回性懦鬪毆兩人以肩相撞偶見鼻破血流則戰慄而逃數日不敢出外無姦拐人命之案回回不行竊無盜劫之案且無自盡之案大抵遠鄉之民真實

無偽天然朴素一入衙門膺差則狡猾百出矣

賽可斯罕小鳥也生郭壁灘中舉體全似山鴉鵲而背毛土黃微帶紅色氣味酸辛微腥愠性無毒食之益人可以已嗽人言服之大壯陽道亦未必然也回地空野中多土堡似樓而墻壁堅厚高三四丈其下空虛據云準噶爾時額魯特常來騷擾以

故回民少殷實者皆有樓堡一處額魯特
來人口避於上牲畜於下避之而謹塞其
竇使刁健人轉將額魯特殺死亦無人查
究秋成後準噶爾遣人向回城一帶徵收
賦稅每回男一人謂之一戶每戶每七日
至八柵爾一次交布一疋或羊皮數張或
捨猢猻皮一張通年計算逐次索取所種
米穀眼同收打與回戶平分平分後再徵
稅糧十分抽一故回民所有之米麥財物
皆埋於地中藏匿自歸

王化以來二十餘年人皆衣食豐足無搶奪
之患於堯天舜日之下優游卒歲而鄉曲
小民遇有步小財物仍埋地中惟慮人知
夫婦不和隨時皆可離異謂之揚土而夫
棄其妻者家間物件任妻取携而去妻棄
其夫者不能動室中之草木焉所生子女

亦各分認夫得男妻得女離異一年之中
其妻遇生子女夫皆承認逾年則謂不相
干涉矣有離數年婦更數夫而前夫仍與
之合者亦有離後私相往來者
帕拉聘草根也形全似三七但色藍或黑
耳生溫都斯坦東蕃地深山中回民多往
採取重價貨於回城謂人有陰冷痼疾服
之無不立愈味苦微辛

野羊生回地深林叢蒂之中色青白毛長
披體大如駝面類人形額下鬚長六七寸
亦類人之落腮鬚土人謂其神靈不敢殺
野馬駝騾邊外皆有之深山郭壁之中往
往成羣而野牛尤矯健多力最為猛狠人
有取之者一鎗不中即被其害一種大頭
羊長角而盤生肉亦粗劣其皮溫緩
烏魯木齊之布爾噶布拉克台站之西三

十里有地一段周迴百餘里土皆飛灰置
物其中則焰起頃刻灰盡倘柳石則黑烟
暴起吹黍時方定冬雪計丈而此地無雪
俗謂之火陷言飛鳥亦不敢過之也

烏魯木齊伊犁之界精河屯西北有地一
段周迴千里望之土似堦鹵雨後堅實擲
大石其中如擊木擊鉄而人馬有誤入之
者數步之外即沉陷沒頂杳然不可復見

矣俗謂之灰陷

舒爾漢風雪之謂也邊外北路皆有之伊
犁哈布地海山西北徑過馬行兩晝夜中
有花牛一隻小於常牛見則舒爾漢起急
風大雪旋轉漫天非尋常可比人畜之百
存一二額魯特土人呼其地曰阿爾布圖
呼爾譯言花牛犢也至則避忌不敢呼之
亦必虔誠祭禱而後敢行否則不利俗呼

之曰風郭壁

伊犁烏魯木齊之間多壓油鳥大如鷄雖色正黑肥則集人屋宇或院落中嗚嗚哀啼人有招之者輒集其肩袖擒而摩挲急握之油自其糞門出取油畢仍放之飛去古云壓油鳥以石壓之取油仍能飛去即此類也

額魯特土爾扈特人等遇大山則祭之途

間別無為敬或挿箭一枝於地或擲財物步湏而去謂之祭鄂搏闢展東之三間房十三間房西至布幹台皆大風之處凡風起必自西北來先有聲如地震瞬息風至屋宇動搖頂多有掀去者鷲蛋石塊飛起滿空千餘斤重載車輛一經吹倒則所載器物皆零星吹散車亦不可復得獨行之人畜有吹去數百里之外者有竟吹去不

知踪跡者其風春夏最多秋冬絕少遍山
皆綠石似玉多區長之形擊之作磬聲山
上沙石為大風之所簸揚皆散漫成堆兀
突怪惡不復成山形每晨視南北兩山清
朗無塵是日必無風必可行如青霧漫漫
兩山不可復見是日必大風必不可行
回疆之柳樹泉二一在陽薩爾軍台之東
十五里老柳二株根圍各三四十步旁枝

側出者皆四五人合抱虬枝蔭天濃陰鋪
地千年之神物也其一根下出泉成潭其
一根側生根木上有孔如盂泉出自水孔
中湧出甘淡清冷深二十餘丈一在烏什
城南五里柳條生條各五七人合抱周廻
百餘步柳條中泉水湧溢而出回民皆呼
之曰哈喇捧起譯言靈泉也且謂可驗休
咎水多則年豐少則歲饑甘則吉祥苦則

災侵

嘉峪關西

四十里雙井子 五十里惠回堡 七十里赤金湖 四十里赤金硤
 六十里三十里井子 三十里玉門縣 五十里三道溝 五十里八
 道溝 四十里布隆吉 三十里雙塔堡 六十里小灣 七十
 里安西州 九十里白墩子 七十里紅柳園 八十里大泉
 七十里馬蓮井子 八十里苦水 一百四十里格子烟墩
 七十里長流水 七十里黃蘆崗 七十里哈密

哈密西

六十里頭堡 六十里三堡 一百二十里南山口 七十里鴨
 子泉 八十里撩墩 七十里松樹塘 四十里肋巴泉 六十
 里陶賴泉 北八十里奎素 一百四十里梧桐窩 一百二十里鹽池
 北七十里巴里坤 一百八十里七克騰水 五十里蘓魯圖 北四
 十里關展

關展西

一百二十里陸布沁 五十里哈拉火車 七十里土魯番

土魯番 西

七十里布幹 北六十里托克遜 五十里根或克 九十里蘓巴什

六十里阿哈拉布拉克 一百里哈必爾漢布拉克 一百八十里朱木

石阿哈馬 一百十里哈拉巴爾噶遜 二百四十里烏什他拉

一百十里昂吉爾圖諾爾 一百里特伯爾古 一百二十里鄂倫拜星

九十里開都河北岸 即哈拉沙拉之城也 即烏魯木齊之城也

哈拉沙拉 西

九十里哈爾哈阿曼 六十里庫爾勒 七十里哈拉布拉克

一百里車爾楚 一百六十里策大雅爾 六十里陽薩爾 一百里

布古爾 一百里阿拉巴特 一百六十里托和奈 六十里庫車

庫車 西

一百六十里河色圖 四十里賽里水 八十里拜 九十里雅爾幹

四十里雅爾哈里克 一百二十里哈拉玉爾滾 八十里札木

八十里阿克蘇

阿克蘇 西

八十里愛扈爾 北八十里札木 西一百二十里遮爾格克德

六十里養阿里克 一百里特克和樂 一百二十里烏什 即烏什之城也

一百里都齊特 四十里和樂伙羅克 六十里伊拉塔 八十里圖

巴拉克 五十五里烏爾土司克滿 八十里胡斯圖托海 四十里

衛阿拉克 七十里他木哈他什 五十五里庫庫車 一百二十里

噶克察哈爾海 八十里巴爾楚克 八十里沙土阿滿 八十里折

克得里托克海 七十里特可斯 七十里賽爾姑努斯 六十里伊

什噶爾第 七十里必撒克抵 一百十里吉林遮克得 六十里阿

克撒克瑪拉爾 四十里林德 即伊犁之城也 六十里阿朗個爾

七十里邁拉特 七十里賴里克 九十里愛吉特虎 七十里 葉爾羌

葉爾羌西

五十里哈拉古札什 七十里坡斯遷 七十里郭壁腰站 土人言七十五里亦是

一百十里洛河克亮噶爾 七十五里河色爾察木籠 一百十里雁馬台

五十里札布拉克 九十里恭得里克 八十里庫森塔斯渾 九十

里扁爾滿 九十里喀什噶爾 一百十里哈爾哈什 即和闐之城也



